



Na osnovu člana 14.3 stav (6) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20104, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 80. Pravilnika o provođenju izbora u Bosni i Hercegovini ("Službeni glasnik BiH" broj 25/20, 38/20, 63/20, 70/20 i 72/20) i Odluke o raspisivanju i održavanju prijevremenih izbora za gradonačelnika Grada Prijedor broj: 06-1-07-1-1339-1/21 od 18.10.2021. godine, Centralna izborna komisija Bosne i Hercegovine je na 68. sjednici, održanoj 18.10.2021. godine, d o n i j e l a

UPUTSTVO
o rokovima izbornih aktivnosti za održavanje prijevremenih izbora za gradonačelnika
Grada Prijedor

Član 1.
(Predmet Uputstva)

Ovim Uputstvom utvrđuju se rokovi izbornih aktivnosti za provođenje prijevremenih izbora za gradonačelnika Grada Prijedor koji se održavaju 12.12.2021. godine (u daljem tekstu: izbori).

Član 2.
(Rokovi izbornih aktivnosti)

- (1) **Rokovi teku od 18.10.2021. godine.**
- (2) **Prijave za ovjeru političkih stranaka i nezavisnih kandidata** podnose se Centralnoj izbornoj komisiji BiH najkasnije u roku od 51 dana prije dana održavanja izbora, odnosno zaključno sa 22.10.2021. godine, do 16.00 sati.
- (3) **Zahtjevi za ovjeru koalicija** podnose se Centralnoj izbornoj komisiji BiH najkasnije u roku od 44 dana prije dana održavanja izbora, odnosno zaključno sa 29.10.2021. godine, do 16.00 sati.
- (4) **Krajnji rok za registraciju novih birača koji glasaju putem pošte** je 35 dana prije dana održavanja izbora, odnosno ističe 07.11.2021. godine u 24.00 sata.
- (5) **Prijavu kandidata ovjereni politički subjekti** podnose Centralnoj izbornoj komisiji BiH najkasnije 34 dana prije dana održavanja izbora, odnosno zaključno sa 08.11.2021. godine, do 16.00 sati.

- (6) **Žrijebanje za utvrđivanje redoslijeda političkih subjekata na glasačkim listićima** obaviti će se u sjedištu Centralne izborne komisije BiH u Sarajevu, Danijela Ozme br. 7, dana 09.11.2021. godine, u 11.00 sati.
- (7) **Objava konačnih listi kandidata u službenim glasilima** obaviti će se najkasnije 20 dana prije dana održavanja izbora, odnosno do 22.11.2021. godine.
- (8) **Centralni birački spisak** se zaključuje 20 dana prije dana održavanja izbora, odnosno zaključno sa 22.11.2021. godine.
- (9) **Procedura upisa birača koji glasaju putem mobilnog tima** traje od 22.11.2021. godine do 29.11.2021. godine.
- (10) **Objavljivanje broja upisanih birača u Centralni birački spisak** obaviti će se u roku od 18 dana prije dana održavanja izbora, odnosno najkasnije do 24.11.2021. godine.
- (11) **Imenovanje članova biračkih odbora** vrši nadležna gradska izborna komisija u skladu sa sljedećim rokovima:
- a) Nadležna gradska izborna komisija **imenuje članove biračkih odbora** i dostavlja akte o imenovanju članova biračkih odbora Centralnoj izbornoj komisiji BiH najkasnije u roku od 15 dana prije dana održavanja izbora, odnosno do 27.11.2021. godine.
 - b) **Obuka članova gradske izborne komisije** održat će se u periodu od 20 dana do 16 dana prije dana održavanja izbora, odnosno od 22.11.2021. godine do 26.11.2021. godine.
 - c) **Obuka članova biračkih odbora** održat će se u periodu od 15 dana do 7 dana prije dana održavanja izbora, odnosno od 27.11.2021. godine do 05.12.2021. godine.
- (12) **Određivanje lokacija biračkih mjesta, objavu i dostavu podataka o određenim lokacijama Centralnoj izbornoj komisiji BiH**, nadležna gradska izborna komisija obaviti će najkasnije u roku od 15 dana prije dana održavanja izbora, odnosno najkasnije do 27.11.2021. godine.
- (13) **Štampa izbornog materijala** izvršiti će se u periodu od 12.11.2021. godine do 19.11.2021. godine, a dostaviti će se gradskoj izbornoj komisiji najkasnije do 09.12.2021. godine.
- (14) **Medijsko predstavljanje političkih subjekata** počinje 15 dana prije dana održavanja izbora, odnosno od 27.11.2021. godine.
- (15) **Neposredno obraćanje političkih subjekata putem elektronskih medija** počinje 15 dana prije dana održavanja izbora, odnosno od 27.11.2021. godine.

- (16) **Zahtjevi za akreditiranje posmatrača političkih subjekata** podnose se izbornim komisijama najkasnije 7 dana prije dana održavanja izbora, odnosno do 05.12.2021. godine.
- (17) **Zahtjevi za akreditiranje posmatrača udruženja** podnose se Centralnoj izbornoj komisiji BiH najkasnije 7 dana prije dana održavanja izbora, odnosno do 05.12.2021. godine.
- (18) **Evidentiranje birača za glasanje putem posebnog COVID-19 mobilnog tima** vrši se 72 sata prije dana održavanja izbora, odnosno do 09.12.2021. godine do 7.00 sati, odnosno za birače kojima je nakon 09.12.2021. godine dijagnosticirano oboljenje najkasnije do 12.12.2021. godine do 9.00 sati.
- (19) **Zabrana objavljivanja** rezultata ispitivanja javnog mnjenja počinje 48 sati prije otvaranja biračkih mjesta i traje do zatvaranja biračkih mjesta, odnosno u periodu od 10.12.2021. godine u 07,00 sati do 12.12.2021. godine do zatvaranja biračkih mjesta.
- (20) **Zahtjevi za akreditiranje međunarodnih posmatrača** podnose se Centralnoj izbornoj komisiji BiH najkasnije 1 dan prije dana održavanja izbora, odnosno do 11.12.2021. godine.
- (21) **Izborna šutnja** počinje 24 sata prije otvaranja biračkih mjesta i traje do zatvaranja biračkih mjesta, odnosno u periodu od 11.12.2021. godine u 07,00 sati do 12.12.2021. godine do zatvaranja biračkih mjesta.
- (22) **Centralna izborna komisija BiH će posebnom odlukom formirati Glavni centar za brojanje** najkasnije 15 dana prije dana izbora, odnosno do 27.11.2021. godine.
- (23) **Unos i obrada rezultata izbora elektronskim putem** vrši se od 12.12.2021. godine u sljedećim rokovima:
- a) prikupljanje obrazaca sa biračkih mjesta od 20,15 do 20,45 sati
 - b) unos rezultata od 20,45 do 21,00 sat
 - c) objava preliminarnih nezvaničnih i nekompletnih rezultata izbora najkasnije do 24,00 sata.
- (24) **Birački odbori vrše dostavu rezultata glasanja i kompletan izborni materijal do nadležne gradske izborne komisije**, najkasnije u roku od 12 sati po zatvaranju biračkih mjesta, odnosno do 13.12.2021. godine do 7,00 sati.
- (25) **Gradska izborna komisija predaje materijal koji se broji u Glavnom centru za brojanje, kao i zapisnike sa objedinjenim zbirnim rezultatima glasanja na nivou općine** Centralnoj izbornoj komisiji BiH u roku od 12 do 24 sata po zatvaranju biračkih mjesta, odnosno 13.12.2021. od 07,00 sati do 19,00 sati.

(26) **Krajnji rok za prijem glasačkog materijala za glasače putem pošte**, je 10 dana od dana održavanja izbora, odnosno zaključno sa 22.12.2021. godine, sa otiskom pečata pošte zemlje/bar koda sa datumom ne kasnijim od datuma održavanja izbora.

(27) **Utvrđivanje i objavu rezultata izbora** Centralna izborna komisija BiH obaviti će u periodu od 11 dana do 15 dana nakon dana održavanja izbora, odnosno od 23.12.2021. godine do 27.12.2021. godine .

(28) **Podnošenje zahtjeva za ponovno brojanje glasačkih listića** vrši se u roku od 3 dana od dana objave utvrđenih rezultata izbora.

(29) Nakon isteka roka i pravosnažnosti odluka po žalbama, Centralna izborna komisija BiH će potvrditi rezultate izbora i objaviti ih u službenim glasilima.

Član 3.

(Stupanje na snagu i objava u službenim glasilima)

Ovo Uputstvo će se objaviti u “Službenom glasniku BiH”, “Službenim novinama Federacije BiH”, “Službenom glasniku Republike Srpske”, “Službenom glasniku Brčko Distrikta BiH” i na web stranici Centralne izborne komisije BiH www.izbori.ba.

Broj: 06-1-07-1-1339-2 /21

Datum: 18. 10.2021. godine

